

आकाशवाणी

1. बिहार च कल होने आहले असैम्बली चुनांs दे दुए ते अखीरले गेड़ दे मतदान लेई सब्बै लोड़चदे बंदोबस्त करी लैते गे न।
2. इक बड़्डी समाजी पैहल दे तैहत, असम दे मंत्रिमंडलै राज्य च इक शा मते ब्याएं पर रोक सरबंधी विधेयक 2025 गी मंजू देई दिती ऐ। मुखमंत्री हेमंता बिसमा सरमा होरें आखेआ ऐ जे एह बिल इस्सै म्हीने असैम्बली च रक्खेआ जाहग।
3. राष्ट्रपति द्रौपदी मुर्मु अज्ज लुआंडा च अंगोला दी संसद गी संबोधित करडन।
4. प्रधानमंत्री नरेन्द्र मोदी होरें भारत थमां थिम्पू पुजाए गेदे भगवान बुद्ध हुं'दे पवित्तर अवशेषें दे श्रद्धापूर्ण सुआगत लेई भूटान दे लोकें ते नेतृत्व दी सराहना कीती ऐ।
5. भारत दे अनीश भानवाला होरें आई.एस.एस.एफ विश्व निशानेबाजी प्रतियोगिता च मर्दे दी 25 मीटर रैपिड फायर पिस्टल दे मुकाबले च चांदी दा तगमा जित्तियै इतिहास रची दिता ऐ।
6. फिडे शतरंज विश्व कप च भारती गैंड मास्टर कार्ति वेंकटरमन होरें चौथे दौर च अपनी थाह पक्की करी लैती ऐ।



Bihar Election

बिहार विधानसभा चुनां दे दुए ते अखीरले गेड़ तैहत कल मतदान होना ऐ। इसदे लेई सब्भै लोड़चदे इंतजाम करी लैते गेदे न। कल गेड़ तैहत कल 20

जिले दे 122 विधानसभा हलके च वोट पाए जाने न। 3 करोड़ 70 लक्ख थवां मते मतदाता 136 महिलायें सनें इक हजार 302 मेदवारें दे सियासी भागें दा फैसला करगंन। मतदान बड्डलै 7 बजे शुरु होग ते संजा 6 बजे सम्पन्न होग। सुरक्षा सरबन्धी वजहें करी 7 निर्वाचन हलकें च मतदान संजा 5 बजे गै सम्पन्न होई जाग। इस गेड़ लेई प्रचार कल संजा मुक्की गया हा। इससै महीने दी 6 तरीक गी पैहले गेड़ तैहत 65 फीसद मतदान दर्ज कीता गया हा। वोटें दी गिनतरी आहला कम्म 14 नवम्बर गी होग।



By Election

7 राज्यें दी 8 विधानसभा सीटें आस्तै कल उपचुना होगंन। एह सीटां न जम्मू-कश्मीर च बडगाम ते नगरोटा- राजस्थान च अंता- झारखंड च घाटशिला तेलंगाना च जुबली हिल्स- पंजाब च तरनतारन- मिजोरम च डम्पा ते ओडिशा च नुआपाडा। वोटें दी गिनतरी 14 नवम्बर गी बिहार विधानसभा चुनाएं दी गिनतरी दे कन्नै गै होग।



Assam Polygamy Bill

इक प्रमुख समाजिक पैहल दे तैहत असम मंत्रीमंडल नै असम बहुविवाह निषेध विधेयक 2025 गी मंजूरी देई दिती ऐ। इसदा मकसद 6मीं अनुसूचि दे क्षेत्र गी छोड़ियै पूरे राज्य च बहुविवाह दी प्रथा गी गैर-कनूनी करार देना ते खत्म करना ऐ। एह विधेयक कुसै बी ऐसे व्यक्ति गी ब्याह करने थवां रोकदा

ऐ- जिसदा पैहले थवां गै जीवित जीवनसाथी ऐ ते ओह कनूनी तौर पर बक्ख नई होए हैन- जां फही उंदा पिच्छला ब्याह तलाक दे आदेश कन्नै भंग नई होए दा। एह विधेयक बहुविवाह थवां प्रभावित महिलायें गी मुआवजा देने दा बी प्रावधान ऐ।



Prez Angola

राष्ट्रपति द्रौपदी मुरमू होर अज्ज लुआंडा च अंगोला दी संसद गी सम्बोधित करगंन। राष्ट्रपति अंगोला च भारतीय समुदाय कन्नै बी गल्लबात करगंन। अंगोला च करीबन 8 हजार भारतीय न- मुख करी लोक कारोबार- पेशेवर ते भारतीय कश कम्म करने आहले न। अंगोला च 200 भारतीय कम्पनियां कम्म चला रदियां न- जिंदे च परचून खातर-तवज्जो -राई-बाई- प्लास्टिक- Pharmaceuticals हीरें ते Automobile सैक्टर शामिल ऐ। राष्ट्रपति मुरमू होरें कल उत्थुआं दे राष्ट्रपति जोआओ लौरेंको हुंदे कन्नै बी व्यापक चर्चा कीती ही। श्रीमती मुरमू होर 8 नवम्बर थवां 13 नवम्बर तगर अंगोला ते बोत्सवाना दी यात्रा पर न। ओह कल अंगोला दे स्वतंत्रता दिवस सरबंधी समारोहें च बी शामिल होगंन। फही ओह बोत्सवाना चली जागंन। एह कुसै बी भारतीय राष्ट्राध्यक्ष दी इनें 2 अफ्रीकी मुखें दी पैहली यात्रा ऐ।



Jitender Singh Swachhta

केन्द्रीय मंत्री डाक्टर जितेन्द्र सिंह हों आखेया ऐ जे 2021 थवां इक-इक महीने तगर चलने आहले 5 समर्पित सालाना स्वच्छता अभियानें दे माध्यम राए कबाड दा निपटारा करने कन्नै कुल 4 हजार 85 करोड़ रपे थवां मते दा राजस्व हासिल होआ ऐ। डाक्टर सिंह हों आखेया जे कबाड गी बेचिए किट्ठी कीती गेदी रकम इक मेगा अंतरिक्ष मिशन चां फही कैई चंद्रयान अंतरिक्ष मिशनें दे कुल बजट दे बरोबर होई सकदी ऐ। उनें चेता दोआया जे प्रधानमंत्री बनने मगरा अपने पैहले स्वतंत्रता दिवस सम्बोधन च नरेन्द्र मोदी हों लाल किले दी प्राचीर थवां स्वच्छता दा आहवान कीता हा। तौले गै एह जन-अभियान बनी गया ते पैहले बरे च गै 4 लकख थवां मते शौचालय बनाए गे। उनें दस्सेया जे पिच्छले बरे खास स्वच्छता अभियान तैहत 3 हजार 3 सौ करोड़ रपे दी कमाई होई।



PMO Scrap Earnings

प्रधानमंत्री हुं दे दफतरै इक समाचार लेख सांझा कीता ऐ जेहदे च दस्सेआ गेआ ऐ जे केन्द्र सरकारै पिच्छले महीने कबाड बेचियै तकरीबन 800 करोड़ रपे कमाए न। लेख दे मताबक, सरकार ने पिच्छले महीने स्वच्छता अभियान दे दरान कबाड बेचियै एह बड्डी रकम कमाई ऐ। समाचार लेख च इब्बी दस्सेआ गेआ ऐ जे 2021 च शुरू होए दे सालाना अभियान दे बाद थमां कबाड बेचियै सरकार दी कुल कमाई तकरीबन 4 जहार 100 करोड़ रपे तगर पुज्जी गेई ऐ।



PM -Relics

प्रधानमंत्री नरेन्द्र मोदी होंरें भारत थवां थिम्पू पुज्जे दे भगवान बुद्ध हुंदे पवित्र अवशेषें दे श्रद्धापूर्ण सोआगत आस्तै भूटान दे लोकें ते उत्थुआं दे नेतृत्व दी सराहना कीती। सोशल मीडिया दी इक पोस्ट च मोदी होंरें आखेया जे एह अवशेष शांति- करुणा ते सदभाव दे शाश्वत स्नेह दा प्रतीक न। उनें आखेया जे भगवान बुद्ध हुंदी सिक्खेया भारत ते भूटान दी सांझा आध्यात्मिक विरासत बश्कार इक पवित्र कड़ी ऐ।



PM -Bhutan

प्रधानमंत्री नरेन्द्र मोदी कल्ला थवां भूटान दी 2 दिन दी यात्रा पर रौहगंन। इस यात्रा दौरान प्रधानमंत्री ते भूटान दे राजा जिग्मे खेसर नामग्याल वांगचुक इक हजार 20 मैगावाट दी पुनात्यांगछू -II पन-बिजली परियोजना दा उदघाटन करगंन। भारत ते भूटान नै इसगी सांझे तौर पर विकसित कीता ऐ। प्रधानमंत्री भूटान दे चौथे राजा जिग्मे सिंग्ये वांगचुक हुंदी 70मीं जयंति दे मौके पर आयोजित होने आहले समारोह च शामिल होगंन ते भूटान दे प्रधानमंत्री शेरिंग तोबगे हुंदे कन्नै मलाटी करगंन।



PM -Ironman

प्रधानमंत्री नरेन्द्र मोदी होंरें गोवा च आयोजित आयरनमैन 70 इशारिया 3 ज्नेह आयोजनें च युवाएं दी बधदी भागीदारी दा सुआगत कीता ऐ। श्री मोदी होंरें इक

सोशल मीडिया पोस्ट च आखेआ जे इस चाल्ली दे आयोजन फिट इंडिया अभियान च जोगदान दिंदे न। श्री मोदी होरें एहदे च हिस्सा लैने आहले सबनें लोकें गी बधाई दिती। आयरनमैन 70 इशारिया 3 इक लम्मी दूरी दी ट्रायथलॉन प्रतियोगिता ऐ, जिसे हाफ आयरनमैन बी आखेआ जंदा ऐ। एह इक तैराकी, इक साइकिलिंग ते इक द्रौड़ कन्नै मिलियै बनदा ऐ, जेहदे च कुल दूरी 70 इशारिया 3 मील होंदी ऐ।



Shooting

निशानेबाजी च भारत दे अनीश भानवाला नै मिस्र दे काहिरा च चला रदी ISSF विश्व प्रतियोगिता च मर्दे दी 25 मीटर रैपिड फायर पिस्टल आहले मुकाबले च चांदी दा तगमा जितियै इतिहास रचेया ऐ। अनिश नै फाईनल च 28 निशाने लाए। इस बेहतरीन प्रदर्शन कन्नै अनीश ओलम्पिक मुकाबले च विश्व चैम्पियनशिप तगमा जितने आहले पैहले भारतीय व्यक्तिगत पिस्टल निशानेबाज बनी गए न।



Chess

शतरंज विश्व कप च भारतीय गेंड मास्टर कार्तिक वेंकटरमन होरें चौथे दौर च प्रवेश करी लैता ऐ। गोवा दे पण्जी च कार्तिक होरें रोमानिया दे गेंड मास्टर बोगदान-डैनियल गी Tie-Breaker च हराया। इस्सै दौरान गेंड मास्टर विदित गुजराती ते एस.एल. नारायण टाई-ब्रेक मुकाबले च हारिइयै प्रतियोगिता थवां

बाहर होई गे न। नारायण गी रैपिड गेम दे पैहले Set च चीन दे खडारी नै हराया।

<><><><><><>

Weather

मौसम विभाग नै अगले त्रंऊ दिनें च मध्य-प्रदेश- छत्तीसगढ़ ते झारखंड च ठंडी हवा चलने दा अनुमान जाहिर कीता ऐ। पूर्वी राजस्थान च बी इय्यै नेहा मौसम बने दा रौहग। अगले 2-3 दिनें च पूर्वोत्तर भारत च घट्टो-घट्ट तापमान च 2 थवां 3 डिग्री सैलसियस दी गिरावट औने दी मेद ऐ।

<><><><><><>

Philippines Storm

फिलीपीन्स च तूफान फंग-वाॅग दे पुज्जने करी 9 लक्ख शा मते लोकें गी सुरक्षित थाहरें पर जाने लेई मजबूर होना पेई गेआ ऐ। इस तूफान च द'उं लोकें दी मौत होई ऐ। इस तूफान च 185 किलोमीटर फी घँटे दी रफतार कन्नै ब्हां चला'रदिआं न। फिलीपीन्स दी मौसम सेवा ने विनाशकारी ब्हां चलने, तूफान दी तेजी बधने ते मौहलेधार बरखा बरने करी हाढ़ औने ते ल्हास-पस्सियं पौने दी चेतावनी दिती ऐ। तकरीबन 300 डुआरियां रद्द करी दित्तिआं गेदिआं न ते केई ब्हाई अड्डें गी बंद करी दित्ता गेदा ऐ। तूफान फंग-वाॅग गी स्थानी रूप कन्नै उवान दे नांs कन्नै जानेआ जंदा ऐ। एहदे शा पैहले तूफान कालमेगी दे कारण 200 शा मते लोकें दी मौत होई ऐ। समूलचे फिलीपीन्स च आपदा दी स्थिति बनी दी ऐ।



US Air Travel

अमरीका च सरकारी कम्मकाज बंद होने करी हवाई यातायात च पूरी चाली बवस्था नई होने करी विमान कम्पनियें इक हजार 7 सौ थवां मती डोआरियें गी रद्द कीता ऐ। तन्खाह नई थहोने दी वजह करी कर्मचारियें दी कमी करी हजारें डोआरियें गी चिर लग्गा।

